

廣德州志卷三十一

職官志

宦績

姚思廉曰長吏之職號爲親民道德齊禮移風易俗咸必由之斯言也於廣德益信州故巖險漢迄南唐循良罕覩所治亦無聞人自宋梅范錢孫諸公踵至爲之興利除弊延師勸學人文遂以蔚起考宋史知軍以下有專傳者二十九人皆名臣也而郡士倪濤以文苑鳴王儔李唐俊潘偁以忠義顯非其明驗與

廣德州志

卷三十一

宦績

一

舊志不衷正史惟舌譜是憑疎漏不可勝摘今悉據歷代史文慎探志乘殊猷美政最爲可觀至岳武穆建康統制真文忠江東轉運廣德本其所轄靖寇恤災功同再造王修撰奉詔募兵實王人也何得以寓賢目之且史傳類此正多雖視守土者稍有間而所在流惠去後見思非宦遊著績何以致此今另裒爲一卷而以封爵繼之

漢

費鳳字伯簫烏程人梁相汎之元子順帝漢安二年舉孝

廉拜郎中除陳國新平長宰司舉其才賢乃讓其弟而退身還鄉後丹陽有越寇命鳳討之試守故鄣長強者綏以德弱者拊以仁政化風行三朞致道轉堂邑令熹平六年卒

見下允石勛所撰碑及吳興掌故集

案卜石二碑考古金石二錄洪氏隸釋皆載之卜碑立於桓帝熹平六年文有云鄣土不庭黔民作慝道善遷惡三朞致道又云轉在堂邑三年道洽是試守在順帝之末漢令可考者止此一人舊志不載而以吳張純弁首誤甚

廣德州志

卷三十一

宦績

二

吳

呂蒙字子明富陂人少南渡依姊夫鄧當隨當擊討山越仕吳為討逆將軍孫策見而奇之數歲拜別部司馬權統事從討丹陽有功拜平北都尉領廣德長從討黃祖祖令部督陳就出戰蒙勒前鋒親梟就首將士乘勝攻城祖走追禽之權曰事之克由陳就先獲也以蒙為橫野中郎將賜錢千萬是歲又與周瑜程普等西拒曹操于烏林圍曹仁于南郡既定荊州還拜偏將軍領尋陽令後以襲奪荊州功為南郡太守封孱陵侯

吳志本傳

案吳志孫權傳建安八年權伐黃祖破其舟軍惟城未克而山寇復動還過豫章使呂範平鄱陽會稽程普討樂安太史慈領海昏韓當樂安長周泰春穀長呂蒙等為劇縣令長則知蒙於建安八年任也擒黃祖在十三年權傳稱都尉呂蒙破其前鋒時蒙以平北都尉領縣故傳稱其官也凡兼攝之官階高而擬卑為領階卑而擬高為守如凌統父操從孫策征伐守永平長徐盛以別部司馬守柴桑長是也定荊州亦在是年蒙謝事在領尋陽令後計在廣德任凡六年萬歷等志列蒙於張純後南畿志亦首純而不及蒙

廣德州志

卷三十一

宦績

三

張純字元基吳郡吳人惇之子少與同郡張儼朱異俱負

才名為標騎將軍朱據所賞

據欲試之令各試一物然後乃坐純賦席曰席以冬

設簟以夏施揖讓而坐君子攸宜儼賦犬異賦弩各隨目所見賦之少厲操行學博才秀

切間捷對容止可觀拜郎中補廣德令治有異績擢為

太子和輔義都尉後和廢純盡言極諫

南畿志蘇州人物傳赤烏十三

年魯王奪嫡純盡言極諫死

權幽之遂棄市

吳志注引吳錄吳書文士傳

案和立為太子在赤烏五年則元基之任當在嘉禾

末赤烏初也漢制邑滿千戶為令不滿千戶為長純

為令後呂蒙三十餘年戶口當增故易長為令也

萬歷等志誤爲漢光武時張純傳云字伯純京兆杜陵人拜郎中補廣德令擢太子輔義都尉純在朝歷世明習故事自郊廟冠婚喪禮多所正定光武甚重之入名宦祠割後漢書張純傳而中雜以吳張純事錯謬已甚楊門諸志雖刪去在朝歷世云云而時代籍貫終不能改也夫元基治有異蹟祠之名宦固宜抑不知來歆來格與夫廣德所尸祝者漢張純與吳張純與而乃相沿數百年莫或釐正大可怪也若前此令有費鳳呂蒙後此有齊劉懷慰之清廉韋叡之美政皆炳見史志而秩祀均未之及豈非郡之大闕典乎

齊

韋叡字懷文杜陵人事繼母以孝聞與兄纂皆好學仕宋桂陽王參軍隨柳世隆守郢城拒荊州刺史沈攸之攸之平遷前軍中兵參軍久之爲廣德令有美政

句據南畿志補

累遷右軍將軍齊末爲上庸太守加建威將軍梁高祖時屢破魏人於合肥邵陽歷侍中車騎將軍普通元年

卒諡曰嚴

梁書本傳

廣德州志

卷三十一

宦績

四

劉懷慰字彥泰平原人本名聞慰以與世祖舅氏名同敕改之初爲邵陵南中郎參軍廣德令歷齊郡太守著廉吏論太祖手敕褒賞後監東陽郡爲吏民所安還兼安陸王北中郎司事永明九年卒明帝謂僕射徐孝嗣曰劉懷慰若在朝廷不憂無清吏也南齊書良政傳

蕭靈鈞南蘭陵人步兵校尉尚之之子梁高祖之伯父也任齊廣德令政有美績句從南畿志補高祖義師至行會稽郡事頃之卒高祖卽位追封東昌縣侯邑一千戶梁書蕭景傳

宋

廣德州志

卷三十一

宦績

五

梅詢字昌言宣城人少好學有辭辨進士及第爲利豐監判官眞宗召試中書除集賢院屢上書論西北事累官陝西轉運使坐舉薦朱能貶懷州團練副使又以善寇準徙池州起知廣德軍宋史本傳興學校敦教化政績甚多南畿志嘗於橫山建集仙攀蘿二亭官至翰林院侍讀學士萬歷志

范仲淹字希文吳縣人二歲而孤母更適長山朱氏從其姓名說少有志操舉進士第爲廣德軍司理參軍迎母歸養宋史本傳日抱獄牘與守爭是非守數以盛怒加之不

爲屈歸必記其往復辨論之語於屏比去官字無所容  
貧止一馬鬻之徒步而歸獄官有亭以公名之者舊矣

楊志云嘗構一亭引囚鞠訊得其平因名爲范公亭初廣德人未知學仲淹得名

士三人爲之師於是郡人之擢進士者相繼於時文正公年

譜據汪藻改集慶軍節度推官始還姓更其名仁宗朝

累官參知政事戶部侍郎卒年六十四贈兵部尚書諡

文正宋史本傳

**案萬厯志**云登進士任海陵倉官築海堤數百里障

水奔衝比爲廣德司理云云宋史本傳及歐陽修撰

廣德州志

卷三十一

宦績

六

神道碑俱不載年譜真宗祥符五年年二十四以朱

說名舉進士禮部第一八年年二十七登蔡齊榜中

乙科調廣德軍司理參軍據汪藻祠堂記公以進士

釋褐爲廣德司理越二年爲天禧元年遷集慶軍節

度推官五年監泰州西溪鎮鹽倉亦無築堤之說則

司理實文正之初任萬厯志誤也舊志俱仍之今刪

去

范師道字貫之長洲人進士及第爲撫州判官後知廣德

縣縣有張王廟民歲祀神殺牛數千師道禁絕之南畿志云

民喜淫祀歲用牛千數師道禁之妖妄亦絕通志同累遷同知諫院兼侍御史直

龍圖閣知明州卒宋史本傳

錢公輔字君倚武進人少從胡翼之學有名吳中第進士

甲科歷官知制誥英宗即位陳治平十議尋謫滁州團

練使踰年起知廣德軍宋史本傳首建學校興教化又作學

諭委曲訓誘使知所崇嚮南畿志通志云舊學在城北以卑隘徙之東南後

拜天章閣待制宋史本傳

朱壽昌字康叔天長人以父巽廢守將作監主簿累調知

閩州尋知廣德軍宋史本傳政成民安郡中無事南畿志壽昌

廣德州志 卷三十一 宦績

七

母劉氏巽妾也巽守京兆劉氏方娠而出案萬曆志作壽昌甫二歲

母出誤互詳軼聞數歲始歸父家母子不相聞五十年行四方

求之不置飲食罕御酒肉言輒流淚用浮屠法灼背燒

頂刺血書佛經力所可致無不為者熙甯初與家人辭

訣棄官入秦曰不見母吾不返矣遂得之於同州劉時

年七十餘矣嫁黨氏有數子悉迎以歸京兆錢明逸以

其事聞詔還就官由是以孝聞天下自王安石蘇頌蘇

軾以下士大夫爭為詩美之壽昌以養母故求通判河

中府數歲母卒壽昌居喪幾喪明既葬有白鳥集墓上

後累官至中散大夫卒年七十宋史本傳

案舊志甚畧考壽昌以治平四年知軍事至熙甯棄官尋母後復官於此孝子賢守何忍不詳言之

孫覺字莘老高郵人從胡瑗受學瑗弟子千數別其老成者為經社覺年最少儼居其間眾皆推服登嘉祐進士

案萬曆諸志誤作熙甯進士調主簿進館閣校勘神宗初擢右正言

以言事忤旨出外王安石素善覺欲援為已助自通州召還累改知審官院時青苗法行覺條奏其妄安石怒有逐覺意適曾公亮言畿縣散青苗錢有追呼抑配之

廣德州志 卷三十一 宦績 八

擾安石請遣覺行視虛實覺言民實不願與官相交望

賜寢罷竟坐奉詔反覆出知廣德軍哲宗朝官至龍圖

閣學士宋史本傳覺在軍作興學校甚有善政南畿志隨卜居本軍見萬

志

賈易字明叔無為人七歲而孤母彭氏以紡績自給使從

學案萬曆志云為伊川先生高弟年踰冠中進士甲科楊志誤作元祐中進士調

常州司法參軍郡中稱平元祐初嘗遷左司諫觸宣仁

后怒呂公著救之力出知懷州御史言其謝表文過徒

廣德軍公忠樸直守正不阿二語據南畿志明年召入後亦入



黨籍云宋史本傳

上官均字彥衡邵武人神宗親擢進士第二哲宗朝為御

史進諫切中時事因論呂大防蘇轍遂乞罷出知廣德

軍正直不撓句據甫後為龍圖閣待制宋史本傳

孫諤字元忠睢陽人少挺特不羣為張方平所器登進士

第元祐初拜左正言紹聖中治元祐黨諤言漢唐朋黨

之禍其監不遠時帝患臺諫乏人諤曰士豈乏於世顧

陛下不知爾立疏可用者二十二人章惇惡其拂已出

知廣德軍宋史本傳禮賢士振文風重創大成殿時張介隱

廣德州志 卷三十一 宦績 九

居城北諤公暇即詣之相與酬唱嘗禁百姓宰牛埋藏

民蒙其惠萬曆志後遷左司諫見本傳

常安民字希古邛州人年十四入大學有俊名熙甯六年

舉進士知長洲縣以忠信為治人不忍欺追科不下吏

使民自輸邑民稱為古良吏宋史本傳後官御史言事拂權

倖謫倅廣德政績彰著一如長洲萬曆志紹聖初召

傳

石公弼字國佐新昌人登進士第調衛州司法參軍再調

漣水丞知廣德縣有政績據南畿志補後拜御史中丞謫秀

州團練副使 宋史本傳

周烈知廣德軍建炎三年十二月辛巳金人陷常州赤心

隊官劉晏擊走之陷廣德軍烈為所殺 宋史本紀 兀朮自建

康趨廣德既殺烈遂過獨松關見無戍者謂其下曰南

朝若以羸兵數百守此吾豈能遽度哉遂犯臨安 續通鑑綱目

目

王儔以通判真州權通判廣德軍建炎末盜戚方引兵欲

趨宣城道過廣德入其郭 萬曆志云潰卒戚方遂趨鎮江劫知府胡唐老縱兵陷廣

德儔不屈與權判官李唐俊權司法潘偁權知廣德縣

廣德州志 卷三十一 宦績

十

韋績權承蔣夔皆死 宋史本傳互詳忠烈

朱嗣孟樂平人宣和間進士為廣德司戶兼司理叛卒戚

方破鎮江犯廣德守倉皇遣招安無敢往者奇嗣孟狀

貌有膽畧遂以命焉嗣孟雅自負不復遜直詣賊壘問

所以涉吾地何故為陳逆順禍福使自擇所處方以忤

已殺之事聞贈宣教郎官其子 宋史本傳

湯鵬舉金壇人紹興間知廣德有能聲 甯畿志 累官參知政

事 萬曆志

錢觀復紹興間守廣德嘗請於朝寄廩以便民輸 案萬曆志云請

建常平倉以便民輸民不病勞歲饑發常平倉以賑之民賴以安甫畿志

洪興祖字慶善丹陽人登政和上舍第紹興四年蘇湖地

震上疏為時宰所惡主管太平觀起知廣德軍視水源

為陂塘六百餘所民無旱憂一新學舍因定崇祀自十

哲曾子而下七十有一人又列先賢左邱明而下二十

有六人宋史本傳置祭器行鄉飲又作原學記以示諸生上

風丕變甫畿志

芮輝字國瑞烏程人紹興十八年進士同年調桐川簿過

廣德州志

卷三十一 宦績

士

倪偁曰與我游者皆有歌詩然珠玉之賜不如藥石之

貽偁曰建平吏黠民姦子何以處之輝曰以嚴馭吏以

恕待民奉公以勤律己以儉交同僚以誠暇日讀我所

未見書以增其所未至偁善之氏族大全

〔案〕胡志守令題名有宋人芮國瑞名輝國瑞今補傳

新纂

陳天麟字季陵宣城人紹興戊辰進士為廣德簿歲饑代

郡將為書請部使者得粟數千戶以賑新通志據一統志增

蔡幼學字行之瑞安人年十八試禮部第一孝宗策士將

置首列而幼學對策指斥張說等帝不懌遂下第教授  
廣德軍器質凝重莫窺其際終日危坐非關教化之大

由性情之正者不道也後官寶謨閣直學士宋史本傳

盧彥德字國華麗水人淳熙元年知廣德軍建平縣舊版

籍有絕戶物力錢抑民代輸縑疋民苦之彥德至大搜

隱漏以實升降削虛產三千餘戶於是逃者復歸新通志據

浙江通志增

熊彥昭昭穆李諸志俱作照淳熙中佐廣德軍歲祲發倉賑饑案萬曆志

云擅發常平倉自劾矯制罪治為江東最南畿志

廣德州志 卷三十一 宦績 十三

耿秉江陰人淳熙中由承議郎出知廣德軍萬曆志嘗因歲

歉發倉賑濟活民萬餘自劾矯制之罪孝宗聞之賜璽

書褒異南畿志案孝宗舊誤宗明一統志亦然據

香云云則非甯宗明矣今改正祠山事要云淳熙七年庚子守耿秉奉乞降御

魯樂慶元間知廣德為政仁惠嘗築三堤以障洪濤自是

居民免水患南畿志

王介字元石金華人從朱熹呂祖謙遊紹熙進士慶元間

知廣德軍韓侂胄隸人蘇師旦忿介不通謁目為偽黨

有勸其自明者介曰我髮已種種豈畏鼠輩耶侂胄亦

畏公議不敢發

宋史本傳

薛極字會之武進人以廕調上元主簿中詞科爲大理評

事通判温州

宋史本傳

開禧初廣德奏以月俸知錢贍軍酒

庫用免軍兵調度民無科擾

甯畿志

林庠由進士教授軍學嘉定八年廣德大旱漕使眞德秀

奏乞措置荒政自領本軍及建康太平

奏見藝文

與都司胡

槻議謂飲助不可無人衆舉庠誠實懇到有志及民遂委同講畫庠以職在教導力辭德秀強之庠旣任事朝夕盡瘁區畫有方千里赤子均被賑恤實惠初知軍魏

廣德州志

卷三十一

宦績

十三

峴畏德秀仁明亦謂此邦同官惟教授可與講究共起斯民深痼之疾及旣任庠庠悉力周防峴不得自肆適用官錢兌提舉司和糴米四千餘石椿畱在軍接續賑糴峴以郡計窘乏欲掩有此米庠具陳其不可峴大怒會胡槻薛極惑於人言屢駁德秀所請發濟德秀乃先發廩濟民然後具申都司不樂嗾峴劾庠侵官且誣德秀因罷庠官德秀以庠宣力救荒橫遭媚嫉卽上疏自劾復奏乞待罪

奏見藝文

庠旣放罷數日間舉郡紛然至謂

德秀且以散米多得罪李提舉道傳奏乞覆實辨明又

上書宰相力陳其誣尋降旨真德秀無罪可待與峴祠

授庠諫官宋史作德秀後亦進秩據真西山文集

案庠以教授宣力賑災幾被罷斥有功於民多矣舊

志不為立傳疎也

趙彥誠嘉定中由奉議郎知廣德軍興學校重鄉飲置田

以贍生徒立為善齋以教宗子政澤甚溥士民德之萬曆

志

董槐字庭植定遠人從朱熹之門人輔廣學嘉定進士為

廣德軍錄事參軍民有誣富人李桶私鑄兵結豪傑以

廣德州志 卷三十一 宦績 十四

應李全者郡捕繫之獄槐察其枉以白守守曰為反者

解說族矣槐曰吏明知獄有枉而擠諸死地以傳於法

顧法豈謂諸被告者無論枉不枉皆可殺乎不聽頃之

守以憂去槐攝通判州事歎曰桶誠枉今不為出之生

無繇矣乃為翻其辭明其不反書上卒脫桶獄人稱其

明句據南後進封許國公宋史本傳

章一璧字君玉浦城人寶慶元年知建平縣振興學校深

得治體南畿縣號難治自茲丕變楊志

謝方叔字德方威州人嘉定進士理宗朝知廣德軍案萬曆志

云授監察御史出守郡而宋史歲旱荒賑濟有方民賴  
敘守郡在為御史前今改正  
全活甚多死者為義塚瘞之語參萬去之日民號泣攀

送南畿志

林棐紹定四年以朝奉郎知廣德參軍萬歷志為政寬簡奏

蠲兩縣逋租一萬五千餘石代輸積欠十二萬貫萬歷志作

代輸積逋十一萬七千餘貫南畿志民被其惠南畿志

施德懋會稽人端平間知建平縣事廉能有為歲荒力行

賑貸活民甚眾南畿志士以無養多失業招集教之復學

田五百畝贍焉修橋梁治傳舍招流民卓有惠政秩滿

廣德州志 卷三十一 臣績 五

遷審計司楊志

高應松寶慶元年進士由衡州教授通判廣德軍後簽書

樞密院事從瀛國公至燕絕粒不語越七日卒宋史本傳

常懋字長儒海鹽人淳祐進士咸淳中知廣德軍案萬歷諸志誤

加謫郡有水災發社倉粟以活饑民官吏難之懋先發

而後請專命之罪置慈幼局立先賢祠故事郡守秋苗

例可得米千石迺盡以代屬縣償大農綱欠尋拜監察

御史德祐初拜吏部尚書宋史本傳

黃震字東發慈谿人寶祐進士咸淳中擢史館校閱言時

弊降秩出通判廣德軍初孝宗頒朱熹社倉法於天下而廣德則官置此倉民困於納息至以息爲本而息皆橫取其民至自經人以爲熹之法不敢議震曰不然法出於堯舜三代聖人猶有變通安有先儒爲法不思救其弊耶况熹法社倉歸之於民而官不得與官雖不與而終有納息之患震爲別買田六百畝以其租代社倉息約非凶年不貸而貸者不取息郡有祠山廟歲合南畿志合江淮之民祈禱者數十萬其牲皆用牛郡惡少挾兵刃舞牲迎神爲常鬪爭致犯法其俗又有自嬰桎梏

自拷掠以徼福者震見問之乃兵卒責自狀其罪卒曰本無罪震曰爾罪多不敢對人言特告神以免罪耳杖之示眾又其俗有所謂埋藏會者爲坎於庭深廣皆五尺以所祭牛及器皿數百納其中覆以牛革封鐫一夕明發視之矢所在震以爲妖而殺牛淫祀非法言之諸司禁絕之郡守賈蕃世以權相從子驕縱不法震數與爭論是非蕃世積不堪疏震撓政坐解官後官浙東提

舉常平

宋史本傳

唐震字景實會稽人咸淳六年知信州尋擢浙西提刑屢



忤賈似道似道使陳堅劾去之宋史本傳為桐川倅以本廳

糜費取辦於吏欲從州郡具申省部罷本職守倅皆謂

官曹廢置由朝廷不從之且為窠名量撥為助遂止後

知饒州北兵之來唐禦之遂死於難癸辛雜志

茅革全椒人知廣德軍時建平歲饑革力勸發廩全活者

以萬計南畿志

王汝翼建平人據南畿志知廣德縣德祐元年四月乙巳元兵

入廣德縣汝翼與寓居官趙時晦率義兵戰鬥山路分

孟唐老與其二子皆死汝翼被執至建康死之辛亥孟

廣德州志 卷三十一 宦績 七

唐老贈三官十二月己亥贈汝翼朝奉郎宋史瀛國公紀

趙時踐字容月采石人繆寔起趙參軍傳云僑居太平采石廣德司戶參軍

以廉能名郡守雅重其才使攝建平縣事元兵入境時

踐及妻子皆死南畿志先是邑有戴趙二兇聚黨狙擊焚

劫官廩時踐調給軍糧無價十一月十日元兵前驅擁

東北門時踐與客繆寔起臨高眺遠騎卒亘三十餘里

歎曰事勢至此惟有死耳詰朝指前溪曰我與妻子訣

懷石是中矣乃與尉王君擢學諭陳夢常登縣樓槌鼓

以示暇俄而排槩盡仆守卒盡殲時踐與妻子僕妾九

人俱赴水死越四日縣卒出其尸瘞之

趙參軍傳案

十一月丁卯朔而破廣德軍在戊寅則時踐之死十一日丁丑也楊志誤作二年十一月

案元史阿刺罕傳破建平縣殺其官吏高興傳拔建

平斬其總制二人時踐既投水死不得言殺然則為

元所殺之官吏必更有人矣惜姓名無考不得與時

踐俱傳也元明善撰高興神道碑云陷建平獲知縣

事黃公濯破獨松關斬谷總制戰張濡見元文類谷總制

亦不知其名

張濡為浙西安撫司參議官德祐元年三月元兵入建康

廣德州志

卷三十一

宦績

六

府濡奉命戍獨松關殺元國信使禮部尚書廉希賢工

部侍郎嚴忠範先是元丞相伯顏以行省駐建康希賢

等至請兵自衛伯顏曰行人以言不以兵多徒為累使

事希賢固請與之丙戌至獨松關濡部曲殺忠範執希

賢至臨安創重死時知廣德軍令狐槩已以城降元顧

順攻復之槩除名配鬱林州濡遂以功知廣德軍元史

賢傳守關者不知為使襲而殺之張濡以為已功受賞

知廣德軍伯顏傳宋遣都統洪謨移書徐王榮等言殺

使之事太皇太后及嗣君實不知皆邊將之罪當按誅

宋史瀛國公紀元兵向臨安遣柳岳奉書詣元軍稱

盜殺廉尚書乞班師修好案希賢奉書和好不當嚴兵

自衛此致禍之道伯顏早料及之史文蓋曲為之諱也

十月元兵自建康三道並進參政阿刺罕將右軍出四安鎮趨獨松關十一月戊寅破廣德軍已丑破獨松關次安吉州上栢鎮濡率兵拒戰死者二千人馮驥被殺十二月贈驥集英殿修撰元史作馮翼初伯顏憤濡殺其使使高興討之至是興從間道奪關濡與戰追至武康被擒明年二月宋亡伯顏殺濡籍其家宋史瀛國公紀參元史世祖紀廉希賢伯顏阿刺罕高興等傳互詳兵寇

元

僕文質字孟彬高昌人延祐初廣德路總管廉潔自持興

廣德州志

卷三十一

宦績

九

起學校民賴其德

明一統志

史烜字正明嘉定人延祐中廣德路總管為政仁惠作興

學校創先師孔子釋奠雅樂主簿牟應龍有記

明一統志

王勉字懋德號竹泉婺州人大德辛丑進士尹建平峻廉

操杜私謁會饑疫殫心賑恤復單騎挾醫人給以藥卒

於官卜兆子孫家焉

通志

年友趙御史鑄合葬其夫婦於

陳村

季志

案鑄建平人見進士

胡定國如皋人太學博士安定公瑗之孫也大德癸卯奉

省檄典建平學事興復學宮橫經講說以道正人士類

頌之通志

秦德用博陵人順帝至正元年廣德路判官贊治有聲振

興學校嘗與創四先生祠明一統志郡人梅應發記稱德用

佐郡五年有治理效誠求民瘼人懷遺愛見藝文

高璧濟甯人順帝至正元年建平尹興學校獎善懲惡訟

平盜息民物阜康當時稱之明一統志

關住不知其籍為廣德翼萬戶至正十一年汝潁盜起蔓

延江東五月廣德失守住於石塘洋赴水死

**案**邵遠平續宏簡錄旌德門忠節傳後附注引王逢

廣德州志

卷三十一

宦績

三

梧溪集所載元季死難諸人有云至正十一年盜麻

起五月廣德翼萬戶關住石塘洋赴水死考續通鑑

綱目是年潁州劉福通蕭縣李二羅四徐壽輝等兵

起福通破潁州尋陷汝甯府元史慶童傳稱盜起汝

潁蔓延於江東徽甯廣德皆失守者是也詳雜志住

時為萬戶其赴水以死非悉力禦賊即抗節不屈明

矣石塘洋今不知其名州小北鄉有石塘殷村當即

其地而建平縣東五里有小石塘約二百五十畝意

此塘與州之石塘相類故以小別之與廣德翼元帥

見於明史蓋元末屯兵處皆號爲翼故明初仍之也  
舊志不立武職一門失載關住事而邵氏所錄甚略  
梧溪集又不可得無由詳考其籍貫事蹟乃其以死  
勤事則固炳著矣州自宋以來忠義林立志家搜訪  
不遺餘力獨未有熊羆之士效死疆場者久之始得  
關萬戶乃知闕漏尚不少也亟補傳於此並祠祀焉

明

鄧愈虹縣人初名友德太祖賜名以功進廣興翼元帥出  
守廣德州破長鎗帥謝國璽於城下俘其總管武世榮

廣德州志

卷三十一

宦績

三

獲甲士千人移鎮宣州卒封甯河王諡武順

明史本傳  
案國璽元

將也吳敗之於甯  
國選充先鋒云

費子賢不詳所始從渡江爲廣德翼元帥數有功取武康

又取安吉築城居之

明史金  
興旺傳

案元末下廣德者先後十數人而戰克以鄧愈爲首  
守禦以費子賢爲最故明史太祖紀丙申年六月大  
書鄧愈克廣德餘從略焉且與費子賢皆廣興翼元  
帥則亦守土之官也故列於此

陳甯明初授廣興知府歲旱百姓告災事聞太祖不允甯

赴京奏曰天旱田禾不收民有饑色若復督徵稅糧必  
逃徙之姑蘇是爲張士誠益民也太祖曰爾大膽敢如  
此言從之萬曆志  
通志

張翼字鵬飛合肥人洪武初知建平縣興廢舉墜規模整  
飭通志縣廳譙樓儀門司庫廨舍皆其所修縣志

王新平陽人洪武中同知廣德奉公守正一毫不取於民  
雖蔬菜必廉其價值臨事有斷樵者鬻薪忘其斧卽覓  
之買者昧而不與樵者訴於官新乃解其人之緜陰給  
其家果得斧人服其術明一統志

廣德州志

卷三十一

宦績

三

陳讓順慶人同知州事濬民塘三千畝以利灌溉民甚賴  
之南畿志

房俊濟南人洪武間判廣德守已清慎撫字有方任滿去  
行李蕭然人頌而懷之南畿志  
萬曆志

胡興昱廣德判贊修學宮督造郵驛立輸糧便益之計民  
咸戴之明一統志

羅坤泰吉水人永樂戊戌進士由庶吉士出知廣德州文  
學優長諳練治體存心公直不受私謁新學校獎勵生  
徒祛除弊政民訟止息明一統志一郡稱平通志

王大雅永樂年知廣德興學校革奸弊推賢才士論譴之  
〔明一統志〕

楊翰巴陵人永樂中知州事撫民興學州人德之嘗以公

務獲罪州民千餘詣闕保畱〔一統志〕作數百詣京告保仁廟嘉獎〔南畿〕

志遣行人勞賚復職〔明一統志〕〔楊志〕云賜鈔三百貫

曾麟永樂年任建平縣廉節處已平易近民民至今思之

〔明一統志〕

王士賢字希顏嘉興人永樂間建平訓導軌範端方課徒

有式自是科目寢盛〔季志〕

廣德州志

卷三十一

宦績

三

劉誥昌黎人正統間知廣德州遇稔民饑誥借糧鄰郡所

活甚眾〔楊志〕

魯鐸泌陽人由監生知建平縣政務寬恤視民事如家事

民嘗思之〔通志〕

李觀字廷賓武昌人正統間知建平縣建文廟築陂塘創

預倉壇壝郵舍靡不修舉〔通志〕

周瑛字梁石莆田人成化五年進士知廣德州以善政聞

賜敕旌異遷南京禮部郎中歷官四川右布政使咸有

善績尤勵清節尋致仕年八十七卒其講學以居敬為

主學者稱翠渠先生

明史本傳

瑛在州日巡行原野察農勤

惰更示蠶繅法與民興利訓迪士子至夜分乃散

通志

慮民喪祭無章溺女不恤著廣孝廣慈錄及祠山雜辨諭

之尤加意學校遷明倫堂築萬桂山剏退省軒九載底

績民懷其德立祠學宮之右春秋祀焉

楊志

康文太原人成化四年由進士令建平明敏果斷廉靜愛

民攝州事繩士民以法擢御史

縣志

南畿志

入知州

江澂南城人成化年知建平縣才略不羈治有能聲

南畿志

諳治體明法令吏不擾民

縣志

廣德州志

卷三十一

宦績

三

邵蕃字文盛號東里餘姚人成化甲辰進士令建平清介

愛民不任威力

南畿志

課農桑敦教化築東西堤及花寨

江村等圩在任九年治行爲江南第一擢監察御史民

稱之曰邵父

縣志

孫紘字文冕鄞人成化十四年進士

楊志誤作宏治進士

宏治二年

南京御史姜綰劾中官蔣琮十罪紘坐同官謫膠州判

官遷廣德知州誠信廉能鎮靜不擾

二語參南畿志

卒於官少

貧傭書市肉以養母既通籍終身不食肉

明史姜綰傳

范昌齡字太冲天台人宏治間知州事剛正自守不避權



勢及去民祠祀之南畿志

王璽蘭縣人判州事剛直不撓廉靜有守大成殿及兩廡

戟門牆垣碑亭井亭皆其所建後訥蕪湖知縣楊志

呂和鄞縣人正德初知建平縣歲旱發廩粟以賑聽訟公

平民無怨讟李志

趙崇賢號次山浙江人正德四年知廣德值歲大稔盜賊

蠶起崇賢多方綏緝民賴以甯時方議津貼建平軍需

以助養馬崇賢曰馬政派自草場軍需出於田畝縣民

食田力而州民為之納稅非制也亟白憲司停止之先

廣德州志

卷三十一

宦績

三

是修撰王公叔英以死難葬橫山麓公表其忠節謀拓

基祀之未竟以入覲調任士民惜之萬曆志通志

劉節字介夫大庾人進士授兵部主事以剛直左遷宿松

令正德六年知本州周諮民瘼開誠布公闢田野勸農

桑興教化除奸宄繕城治道修舉先賢祠又建名宦鄉

賢祠禁溺女郡以大治陞蜀臬僉憲督理學政去之日

攀送者填擁至不得行尚書孫儒作去思記萬曆志

江暉字景孚號峯嶽山人仁和人由進士改庶吉士正德

中以直諫謫知州事公勤廉慎無妻妾之奉出不坐乘

食不兼味革奸弊抑豪強節財恤困平徭息訟惠政未  
易枚舉宦官以催督公務至一無饋遺武宗南幸江南  
苦供億暉措辦有方不以煩民時有恤民隱省民錢之  
謠又呼爲江青天副使呂盛爲記萬歷志通志

黎貫從化人正德間建平教諭嚴義利邪正之辨扶植名  
教成就人才後登丁丑進士選庶吉士授監察御史以

直節著李志

王邦瑞字惟賢號鳳泉宜陽人早有器識爲諸生山東盜  
起上勦寇十四策於知府正德十二年進士改庶吉士

廣德州志

卷三十一

宦績

三

與王府有連出爲廣德知州嘉靖初祖憂去後官至兵  
部尚書贈襄毅邦瑞嚴毅有識量歷官四十年以廉節

著明史本傳

在州日適問伯巡縣屬將移馬於州邦瑞力辨

之獲免楊志

張濂字景川順德人嘉靖初建平令博學能文革弊鋤強  
擢儀部員外郎有郎川宦紀詩楊志

劉最字振廷崇仁人正德十二年進士爲禮科給事中嘉

靖二年疏劾中官崔文忤旨出爲廣德州判官言官論  
救不納已而東廠太監芮景賢奏最在途仍故銜乘巨

舫取夫役巡鹽御史黃國用復遣牌送之帝怒逮二人  
下詔獄最充軍邵武久之赦還家居二十年卒

見明史  
鄧繼曾

傳

鄒守益字謙之安福人正德六年會試第一出王守仁門  
以廷對第三人授翰林院編修踰年告歸謁守仁講學  
於贛州世宗卽位始赴官嘉靖三年帝欲去興獻帝本  
生之稱守益疏諫忤旨被責踰月復上疏帝大怒下詔  
獄拷掠謫廣德州判官廢淫祠建復初書院與學者講  
授其間

通志云置學田講良知  
之學士類翕然宗之

稍遷南京禮部郎中州

廣德州志

卷三十一

宦績

三

人立生祠以祀聞守仁卒爲位哭服心喪日與呂柟湛  
若水錢德洪王畿輩論學後累遷太常少卿兼侍讀學  
士出掌南京翰林院改南京祭酒九廟災陳言撻帝怒  
落職里居日事講學四方從遊者踵至學者稱東廓先  
生居家二十餘年卒隆慶初贈南京禮部右侍郎諡文

莊

明史  
本傳

袁球字寶卿醴泉人嘉靖初建平學訓外和內剛重義輕  
利蒞任半載投劾去士大夫愛慕之

李志

連鑽字伯金永平人由庶常出知日照縣嘉靖七年改知

建平明律善斷設策擒亂民虞順境內以甯通志初縣未

有志鑛始創為之三年以外艱去後擢監察御史參季志

蔡克廉字道卿晉江人嘉靖己丑進士十□年知州事州

人多獷悍難治克廉獨先教化而後誅罰事無劇易處

之一以鎮靜人無奸良御之一以誠慤州民悅服其去

任也哭而送之為立政蹟碑唐順之撰墓誌

據唐荆川文集補案胡志守令題名僅云多惠政新纂

陳德騷字房甫應城人嘉靖癸丑進士知建平嚴威公正

羨餘悉充正賦申減牧馬之額裁諸色供億履畝覈丈

廣德州志 卷三十一 宦績 天

積弊盡除通志

趙佑卿字汝伸號東萃蘭谿人嘉靖末建平令才能任事

不顧私情築城樓建學宮築柘林塘及山陽楊學潘城

等圩通志  
縣志

宋鼇湘陽人嘉靖中建平縣丞乙卯歲倭蹂躪郡邑鼇甫

至任即率民兵往禦至上海孤軍援絕倭眾猝至遂遇

害殮時鎗鏃滿體士民哀之通志

鍾振字瀾石台浦人壬戌進士隆慶六年知州事疆田辟

畛均賦審徭蒞政精察惠利為多嘗築州固鵝姆諸壩

分水入城又築鳳凰墩形家多稱之李志

高常號文川臨桂人隆慶間知建平清慎愛民一歲入覲

攝篆者挾嫌誣劾之會銓曹已課最改授閒秩士民奔

懇寃得白棄職去行李蕭然邑人扶老挈幼哭送之楊志

何鳳起號近邾蘄水人由進士授靈璧令萬曆九年陞任

廣德以外艱去二十七年復任勤勞民事知無不為州

街市湫隘礙於車行恢廓之覆以石三峯樓鳳凰墩佑

聖圓通二閣皆其修舉壇壝社厲繚以垣牆修寺塔建

遊豫樓鳳起精勾股諸所興作預有成算故奏功易而

廣德州志

卷三十一

宦績

无

民不擾陞刑部員外楊志

陸長庚字元白平湖人萬曆庚辰進士知六安繼陞知廣

德居官廉敏愛民如子新覺宮置學田課耕濬渠建倉

水陽以便軍民時州署產竹一本二榦蓮並頭人以為

瑞陞比部有去思祠歷官南京通政使司通志

段猷顯字徽之號二室固始人萬曆志商城人嚴明清慎

加意學校會課諸生置田贍之單丁艱於輸納者免之

設木差以禁需索改漕米以便轉運禁溺女卻贖緩潔

已愛民士民共戴陞兵部員外歷任浙江參政民立專

祠祀之萬歷志

潘仲明字燭旦山陰人由京秩考最判州四載心存仁恕政務寬和平糶義穀處置得宜民沾實惠夏日獄囚苦暍給以水漿施樽賑孤孜孜不倦又捐修王修撰祠為忌者所中士民詣臺請留當道檄還視事仲明竟拂衣去人懷其德萬歷二十七年  
石刻今現存

李得中字原守號用所內鄉人萬歷乙未進士政尚寬和修葺黌序飭煤禁革什物募流離懲需索一切建豎桐民永賴其利桐故有新舊志公餘筆削燦然可觀續萬歷志

廣德州志

卷三十一

宦績

三

胡子晉德清人起家明經萬歷中同知廣德事佐治六載攝篆者三公明嚴正豪猾斂跡日用蔬茹悉自家載至通志

朱之楫字斯濟通山人萬歷間建平令遷學宮墾浮湖廢地開西河增置義倉義塚通志

張崇信字西銘太原人萬歷間令建平狷潔自持親民禮士與前令朱之楫並稱循吏今台祀西郊外通志

向萼輝慈谿人萬歷間知建平為政温和平易謹權量平物價學宮舊附東郭外屢圯于水為出俸錢遷之擢秋

官主政歷官太守通志

張嗣誠萊陽人由進士知廣德加意學宮修尊經閣朔望

聚諸生講學課藝士風丕振案無留獄賦無加耗楊志

史躬盛字逢仲湖州人萬歷己未進士桐與茗接壤躬盛

擯絕請託片言決獄試士所拔皆孤寒辛酉南闈同考

盧象昇黃襄皆出其門後官至知府楊志

李時山西人由知縣擢廣德舊有修城羨銀及各項存帑

豪猾侵漁相為表裏官不能察時釐剔奸弊將置諸法

會以前任事謫去士民大失望視事僅暮月吏畏其威

廣德州志 卷三十一 宦績

民戴其德楊志

程良符孝感人由恩貢任浙之天台縣崇禎時知廣德州

不事苛察民服其化尤加意士類歲旱徒跣祈禱大雨

立澍一時傳為程公雨通志

謝元珧號山持晉江人由進士令建平年未弱冠性温才

敏讞決如神試童子賞拔多寒峻丁卯同考得雋九人

尋以卓異擢禮科給事中李志

鄧京號六如新城人由舉人為建平教諭愛育士類出橐

金數百修黌宮建聚奎書院文昌閣奎星樓東西兩齋

復清文學基勒石記不朽向祀觀瀾亭亭廢祀闕士人憾焉季志

侯佐字佛時解州人由進士令建平甫下車奉憲檄築城督勸有方期年工竣時溧陽大盜白日剽掠佐練習義勇設策擒之擢吏科給事中通志季志

沈時仁和人由保舉任州吏目發奸捕伏不畏強禦一時巨憝剪刈無遺歲旱禱雨且行且拜顙爲疣贅人感其誠楊志

何宏仁字仲淵山陰人崇禎丁丑進士知建平縣謙和粹廣德州志

卷三十一

宦績

三

穆吏不忍欺臨民以信接士以禮歲大旱步禱赤日中大雨如注飛蝗千里不入縣境通志縣志

胡爾愷字石江長沙人崇禎十年太平司理攝篆建平豈弟和平羨餘悉以給諸生之貧者去之日民焚香送之擢吏科給諫季志

鄒世錡武進人舉人教諭建平崇文砥行士林矜式捐重貲倡修學宮鄉耆史大典以數千金贊成之季志

張陽豫字齡文太倉人崇禎間建平教諭襟懷灑落絕無鈎棘謙和清慎訥訥如不出諸口居五年陞甯國府教



授祀本學觀瀾亭李

金印榮武進人崇禎時授州學正持已端嚴誨人不倦時

比之胡瑗通志

趙景和號凌霄錢塘人知廣德州順治二年五月三日福

王出走太平奔黃得功軍明日馬士英奉王母妃以黔

兵四百人為衛走浙江經廣德景和疑其詐閉門拒守

士英攻破景和殺之大掠而去明史馬士英傳先是士英以書

索餉景和曰吾不能齎盜以糧也集鄉民悉入城避亂

士英怒攻陷城景和奮臂裂眦數士英誤國害民諸罪

廣德州志

卷三十一 宦績

三

遂遇害通志州民感之為建祠於治東詳壇廟子蒼璧僕錢

義匿之脫於難後壬戌成進士妾秦氏聞變升樓望下

有簪并躍入死州民起殮之衣俱密縫顏色如生紳士

弔以詩附享趙右杭州府志時同知任佐君亦死州人立主

祀之至今不替詳職官乾隆四十一年趙景和

賜諡節愍

杜鶴年陝西安化人崇禎末令建平乙酉五月馬士英自

金陵遁走過縣攻城鶴年以家屬百口委其掾程應桂

而身自捍禦未幾士兵破城鶴年被害於倉巷縣志考義傳

以上胡志內增宋芮輝陳天麟盧彥德三人明蔡克  
廉一人俱胡志所無

廣德州志

卷三十一

宦績

三